



10530

耐菴奏議存稿卷七

目錄

安化縣官民捐設義學義倉請獎摺

道光二十一年二月二十五日

仁懷縣逆產請撥給尙節及幼兩堂摺

二月二十五日

官民捐置公田等項請敘摺

三月二十日

黃平州官民捐修橋梁請獎摺

閏三月二十五日

貴筑縣捐修城工請敘片

閏三月二十五日

調赴廣東官兵動支庫項摺

四月十八日

大定府官民建倉積穀請敘摺

五月二十二日

生監民人捐輸議敘請給部照片

五月二十二日

耐菴奏議存稿

卷七

目錄

一

鎮遠府士民挑河築隄請獎摺

七月二十四日

飭催出師廣東鎮將迅卽前進摺

九月二十一日

酌議黔省嚴禁私硝章程摺

九月二十一日

議覆稽察營務請將糧道加兵備道銜摺

十一月十五日

覆奏通飭各營如式製造火藥片

十一月十五日

運員在途溺斃請給卹廕摺

十二月十九日

修建溫水衙署各工請敘摺

十二月十九日

修理仁懷營塘房委員查勘摺

十二月十九日



耐菴奏議存稿卷七

善化賀長齡耦庚

安化縣官民捐設義學義倉請獎摺

奏爲官民捐設義學義倉循例恭懇

聖恩俯准議敘以示獎勵事竊照黔省安化縣之下五里地方接壤四川讀書人少民情獷悍訟獄滋繁素稱難治前署縣楊鉅源冀以詩書之氣化其桀驁之風於道光十九年倡捐廉銀三百兩先設果泉義學延師課讀嗣又督率委員儲數恩各捐銀二百兩并勸諭民人捐輸銀四千六百二十一兩

耐菴奏議存稿

卷七

一

零添建義學五所計八十六間并建義倉置產收租俟青黃不接之時將穀石減價平糶所獲價銀作爲義學延師脩脯及生童筆資之用據接署縣陳文衡以該處民俗漸馴較之從前訟案已減大半查明捐戶姓名銀數造具冊結由司議詳請

奏前來臣查道光十五年准吏部咨開士民人等樂

善好施捐銀以備公用在二百兩以上給與應得議敘等語今安化縣官民捐設義學并建義倉置產收租以資經費洵屬急公可嘉自應

奏請獎勵用昭激勸除捐項在二百兩以下不及一

百兩者由臣督飭地方官分別獎以花紅扁額外
所有安化縣捐銀五百兩之民人高尙芳三百兩
之民人徐維相仰懇

聖恩俯准交部議敘至前署安化縣現升古州同知楊
鉅源捐廉倡率興學建倉盡心教養試用未入流
儲敷恩協力捐辦始終其事俾頑悍之區漸知禮
義以挽澆風實於地方有裨可否一併交部議敘
以示鼓勵之處出自

鴻慈再此項工程係官民捐辦請免造冊報銷除冊結
送部外理合會同督臣桂良恭摺具

耐菴奏議存稿

卷七

二

奏伏乞

皇上聖鑒謹

奏奉

硃批另有旨欽此又奉

上諭賀長齡奏請將捐設義學義倉之官民獎勵一摺
著吏部議奏此項工程免其造冊報銷該部知道欽
此

仁懷縣逆產請撥給尙節及幼兩堂摺

奏爲查明仁懷縣逆產估計租穀無多承買乏人現仍荒廢恭懇

聖恩賞入尙節及幼兩堂招佃耕種藉資養贍并將修建衙署營房銀兩悉由黔省捐辦以節公費而普皇仁事竊查道光十八年勦辦仁懷縣逆匪謝法眞等事竣應將逆產入官當飭縣會同委員清丈共田八百二十八畝又土三畝五分

奏明俟勘定上中下則分別估變該縣温水場鐵匠壩等處移駐文武員弁兵丁修建衙署營房先行耐菴奏議存稿

卷七

三

借款辦理俟逆產變價歸款接准部咨令將入官田畝歲產租穀并年額銀米各數確實查明勘定上中下則估變造報等因行據署仁懷縣知縣郎汝琳委員新城縣丞胡台會同勘定上田三十一畝二分中田四百九十一畝八分下田三百零五畝多係倚山傍石近年開墾例不升科內有科則者僅載糧銀二兩六錢九分如遇豐年每畝約收租穀四斗五升至三斗計價每畝五兩三錢至三兩一錢不等約共估銀三千一百七十八兩二分現在招變尙無人承買

臣

以逆產八百餘畝何以

祇載糧銀二兩六錢九分恐約估銀穀各數尙有
不實飭令再查增估茲據接署縣曾鴻翥稟稱查
明所載糧銀二兩六錢九分實祇額田四十八畝
餘田畸零碾礮與山頭地角聽民開墾免其升
科之例相符是以均無糧銀且該處并無水源灌
溉雨暘時若僅獲薄收雨澤偶愆便成廢壤原估
銀穀數目係就豐年約計實難再增自歉平後久
未耕治現仍沒於草萊墾種須費工本變價又乏
殷戶等情并據遵義府知府黃樂之覆勘稟報相
同由司道查覈議詳請

耐菴奏議存稿

卷七

四

奏前來臣查逆產僅祇四十八畝載有糧銀二兩六
錢九分餘皆新墾之田倚山傍石畸零碾礮現仍
沒於草萊前估祇就豐年約計自係實在情形惟
招變已久承買無人未便聽其荒棄若歸入地方
公舉漸次開墾成熟庶幾地不久蕪利歸實濟查
道光二十年順天府屬昌平州良鄉縣不法僧人
入官地九十餘頃

奏請撥充書院及普濟育嬰二堂經費奉

旨允准今黔省官紳捐設尙節堂收養苦節嫠婦及幼
堂收養無依孩童節經

奏明辦理而經費未能充裕尙節堂祇養一百四十口及幼堂祇養一百二十名此外孤苦亟應入堂收養者正復不少如將仁懷逆產添補兩堂經費較之順天請撥入官田畝不及十分之一情事相符合無仰懇

天恩俯准將仁懷縣逆產八頃三十一畝零

賞給尙節及幼兩堂招佃耕種藉資經費俾得添養嫠婦孩童則窮黎感沐

鴻慈實無既極如蒙

兪允所有原額糧銀二兩六錢九分由兩堂按年完納

耐菴奏議存稿

卷七

五

田畝請免勘估造報至前借修理溫水場等處武弁衙署營房工料銀三千二百七十七兩并現估應建經歷衙署銀八百一十兩均由黔省捐辦仍先歸還報部公費本款并免造冊報銷理合會同督臣桂良恭摺具

奏伏乞

皇上聖鑒訓示謹

奏奉

硃批另有旨欽此又奉

上諭賀長齡奏請將仁懷縣逆產賞給尙節堂及幼堂

以資養贍一摺貴州仁懷縣入官逆產據該撫查明
招變已久未便聽其荒廢著照所請此項入官田畝
八頃三十一畝零卽賞給該省尙節堂及幼堂招佃
耕種以資經費餘著照所議辦理該部知道欽此

耐菴奏議存稿

卷七

官民捐置公田等項請敘摺

奏爲官民捐置公田并捐資生息以襄善舉循例彙
奏恭懇

聖恩俯准議敘事竊照遵義縣屬茶山渡口爲商民往
來要津雖設渡船經費不敷該處巖懸水溜撐駕
人少行旅維艱有監生張仁恩將祖遺田業共值
銀六百餘兩施入渡口歲收租息添作船戶工資
又陝西藩司陶廷杰捐銀二千兩買田收租添補
都勻府南皋書院膏火并修築石壩保護民田之
需又江蘇通州知州景壽春捐銀二千兩買田收

耐菴奏議存稿

卷七

七

租以爲興義府文武童生歲科兩試卷費又貴陽
府監生李文郁捐銀一千兩交商生息遇鄉試之
年作爲貴陽貴筑兩學生員錄遺卷費據貴陽府
等查明由司議詳前來臣查道光十五年准吏部
咨開士民人等樂善好施捐銀以備公用在二百
兩以上給予應得議敘等語今官民捐置產業并
捐資生息以助渡夫工食築壩經費暨書院膏火
考試卷資之用洵屬急公可嘉自應

奏請獎勵用昭激勸所有捐銀二千兩之陝西藩司
陶廷杰江蘇通州知州景壽春一千兩之貴陽府

監生李文郁六百兩之遵義縣監生張仁恩仰懇
聖恩交部分別議敘理合會同督臣桂良恭摺具
奏伏乞

皇上聖鑒謹

奏奉

硃批另有旨欽此又奉

上諭賀長齡奏官民捐置公田等項懇請分別議敘一
摺著吏部議奏欽此

耐菴奏議存稿

卷七

八

黃平州官民捐修橋梁請獎摺

奏爲官民捐修橋梁工竣循例恭懇

聖恩俯准議敘以示獎勵事竊照黃平州舊有折桂橋十里橋玉虹橋爲商民往來要津道光十八年四月間因山水漲發均被衝塌該州黃培杰暫搭浮橋以利行旅倡捐廉銀二百兩勸諭士民共捐銀二千六百四十六兩零督率首事文生周紋傳等庀材鳩工先將折桂橋修復其餘橋工次第興修黃培杰卸事接署州陳治昌又捐銀二百兩將十里橋玉虹橋於二十年十一月內一律修竣委令署平越州知州譚煒前往驗收查造捐戶姓名銀數并工段冊結申請獎勵由藩司議詳請

耐菴奏議存稿

卷七

九

奏前來臣查道光十五年准吏部咨開士民人等樂善好施捐銀以備公用在二百兩以上給與應得議敘等語今黃平州捐廉倡率士民踴躍捐輸共銀三千餘兩將橋梁修整洵屬急公可嘉自應

奏請獎勵用昭激勸除捐項一百兩及十兩以上士

民由臣督率地方官分別獎以花紅扁額外所有

黃平州捐銀三百五十兩之民人吳泰謙吳泰和

吳泰履三百兩之民人凱石聰石宏聲捐銀三百

兩又監工出力之民人張貴齡捐銀一百兩又募
捐監工始終勤奮之文生周紱傳等七名仰懇
聖恩交部分別議敘至黃平州知州現升松桃直隸同
知黃培杰署黃平州事龍里縣知縣陳治昌捐廉
督辦經理有方可否一併交部議敘以示鼓勵之
處出自

鴻慈再此項捐辦橋工請免造冊報銷除將捐輸工段
冊結咨部外理合會同督臣桂良恭摺具

奏伏乞

皇上聖鑒謹

耐菴奏議存稿

卷七

十

奏

貴筑縣捐修城工請敘片

再上年六月及十一月內省城陰雨連綿河水泛漲以致東南西三面城門坍塌口并次南門外喬家橋北門外螺螄灣三塊田老城角等處城牆全行坍塌喬家橋梁亦倒塌兩洞亟應修理完好以資捍衛而利通行當飭貴陽府督同貴筑縣率令匠役勘估興修於本年正月內將城垣橋梁一律修竣委令候補同知李秀發等逐一查驗工堅料實并無偷減草率情事用過工料制錢五千串零十五千二百七十文合銀五千餘兩係前任貴筑縣准升古州同知楊鉅源一力捐辦尙屬勤奮急公覈與現任人員捐輸修城重大事務量予加銜之例相符合無仰懇

聖恩敕下部臣照例甄敘以示鼓勵此項捐辦工程請免造冊報銷并據藩司具詳前來除將承修委勘冊結咨部外理合會同督臣桂良附片陳明伏乞

聖鑒謹

奏奉

硃批另有旨欽此又奉

上諭賀長齡奏官民捐修橋梁懇請獎勵一摺又另片

附卷奏議存稿

卷七

七

奏官員捐修城垣等工請照例甄敘等語俱著吏部
議奏此二項工程均免其造冊報銷該部知道欽此

耐菴奏議存稿

卷七

三

調赴廣東官兵動支庫項摺

奏爲黔省調赴廣東官兵應給俸賞行裝等銀動支
庫項恭摺奏祈

聖鑒事竊照暎夷滋事欽奉

上諭派貴州兵一千名令段永福帶領速赴廣東聽候
調遣欽此又疊奉

諭旨再派貴州兵一千五百名令曾經出師之將弁管
帶前赴廣東聽候差遣欽此

臣等遵卽挑選精兵派

令曾經出師之副將達騰超參將石蓋臣熊瑞遊

擊鄂勒和善慶德等管帶覈計派調古州鎮官兵

耐菴奏議存稿

卷七

三

四百一十九員名鎮遠鎮官兵二百七員名上江
協官兵二百一十員名松桃協官兵二百一十三
員名定廣協官兵一百七十八員名銅仁協官兵
一百七員名清江協官兵一百六員名都勻協官
兵一百四員名長寨營官兵二百員名台拱營官
兵一百九員名黎平營官兵一百一十五員名下
江營官兵一百五十七員名朗洞營官兵二百八
員名荔波營官兵一百四員名歸化營官兵一百
四員名黔西營官兵六十九員名水城營官兵五
十三員名平越營官兵五十四員名又總兵段永

福隨帶安義鎮官兵九十九員名合共二千八百一十六員名按例應給俸賞銀二萬一百三十七兩零行裝銀二萬三千八百五十兩係於司庫兵馬奏銷項下扣存朋馬建曠等款內動支解交貴東道暨貴陽鎮遠銅仁都勻黎平松桃古州台拱平越清江都江下江荔波朗洞等府廳州縣縣丞散給各官兵承領起程俟凱旋後照例分別辦理已將官兵起程出境各日期由驛

奏報在案茲據司道具詳前來除出師官兵銜姓名及發銀細數造冊咨部查覈外所有動支庫項耐菴奏議存稿

卷七

古

奏伏乞

皇上聖鑒謹

奏奉

硃批該部知道欽此

大定府官民建倉積穀請敘摺

奏爲官民捐建義倉儲積穀石循例恭懇

聖恩俯准議敘事竊

臣前於

奏報黔省添設義倉酌議章程摺內聲明大定府報捐穀二萬餘石俟全數收貯續行奏

聞在案茲據大定府知府姚柬之申報該府與前署府張志詠徐鉉各捐廉銀五百兩共銀一千五百兩擇於府城及各鄉適中之處建倉十一座共計四十二間貴西道周廷授捐穀五百石民人汪大景等捐穀六千六百七十六石零監生沙宗湖等捐

耐菴奏議存稿

卷七

五

穀一萬四千三百四十二石共穀二萬一千五百一十八石零已全數交倉收貯開列捐戶姓名數造具廠口花名并印結倉收由司道議詳請

奏前來

臣

查定例紳民人等捐輸穀石每石以銀一

兩計算十兩以上者地方官獎以花紅扁額一百兩以上者督撫獎以扁額二百兩至一千兩以上分別議敘等語今大定府官民捐建義倉分貯穀石以備不時賑糶之需洵屬急公可嘉自應

奏請獎勵用昭激勸除捐穀合銀不及一百兩者由

地方官獎以花紅扁額外其所捐穀石計銀在數

千兩及數百兩之文武生員監生土目民人等二十七名仰懇

天恩交部分別議敘至貴西道周廷授前署大定府事之都勻府知府張志詠郎岱同知徐鉉并現任大定府知府姚柬之捐數皆及五百兩可否一併交部議敘以示鼓勵之處出自

逾格鴻慈再此項工程係地方官捐辦請免造冊報銷理合會同督臣桂良恭摺具

奏并繕呈捐輸姓名穀數清單伏乞

皇上聖鑒謹

耐菴奏議存稿

卷七

六

奏奉

硃批另有旨欽此又奉

上諭賀長齡奏官民捐建義倉儲積穀石請旨議敘一摺著吏部議奏此項工程免其造冊報銷該部知道欽此

生監民人捐輸議敘請給部照片

再官民捐辦各項工程按銀數多寡量子獎勵官則加級紀錄生監民人則給予職銜及頂戴榮身洵足以昭激勸而廣

皇仁惟是官員名列摺紳遇有加級紀錄可以按名登註易於稽查至舉貢生監民人等議給職銜頂戴雖經吏部註冊行知有案而從前咨部冊內祇開捐戶姓名銀數并無三代及本人年歲設有假冒虛捏之徒或遇應須驗照查詢之事一時無從覈辦且捐監捐職銀不及二百兩者尚准給照士民

耐菴奏議存稿

卷七

七

樂善好施捐銀在二百兩至千兩以上得邀議敘轉無執照可憑恐真偽難分易滋欺詐之弊應請做照捐職章程凡捐輸議敘職銜并給頂戴之生監民人於接准部覆後飭知該地方官查造本人三代年歲清冊由司覈詳咨部發給執照以便稽查而杜假冒茲據藩司李象鵬具詳前來理合附片具

奏伏乞

聖鑒敕部覈覆施行謹

奏奉

硃批吏部議奏欽此

按吏部奏准咨稱應請照例遇有該省議敘之案
仍由部題准後知照該省卽造具三代履歷年貌
清冊并飭令地方官出具切實印結備文請領給
發各捐生收執以符定例

耐菴奏議存稿

卷七

六

鎮遠府士民挑河築隄請獎摺

奏爲士民捐挑灘河修築城隄工竣恭懇

聖恩俯准議敘事竊照鎮遠府地方兩面皆山中僅一

河相通而河身又極窄狹偶值山水漲發驟難洩

宣兩岸居民輒遭水患該府廖惟勳查得附近之

大王灘可以洩水而灘石嶙峋不特往來船隻動

遭觸損且水爲石激尤多氾濫之虞須將灘石開

平方可暢流以資利涉并勘得府城之水關石隄

實爲居民保障近年漸形坍塌亦須修復以衛田

廬又衛城西門外地勢窪下每遇水發適當其衝

耐菴奏議存稿

卷七

五

宜築護隄一道方足保固城垣該府倡捐廉銀一

百兩勸諭士民捐銀四千九百兩將以上各工次

第興修飭委新城縣丞陳毓書率同職員謝寶樹

鄭如璋駐工督辦自上年十二月起至本年六月

工竣該府親詣驗勘新開大王灘河長一百一十

四丈寬三丈五尺深六七尺不等灘石一律開平

河流旣暢船隻無虞磕碰其府城水關石隄并衛

城西門外護隄以及城垣門樓均已修築完固共

用工料銀四千四百二十七兩零尙存銀五百七

十餘兩畱爲每年冬間挑挖河道之用據該府造

具工段丈尺及捐銀姓名清摺由藩司議詳請

奏前來臣查道光十五年接准吏部咨開士民人等

樂善好施捐銀以備公用在二百兩以上給與應
得議敘等語今鎮遠府廖惟勳捐廉倡率士民踴
躍捐輸將灘河城隍普律修竣洵屬急公可嘉自
應

奏請獎勵用昭激勸除隨同辦公之職員謝寶樹鄭
如璋已由該府給與花紅扁額外所有捐銀二三
百兩至二千兩之士民嚴福等十五名并始終督
辦經理有方之委員新城縣丞陳毓書仰懇

耐菴奏議存稿

卷七

三

天恩交部分別議敘再此項工程係官民捐辦請免造
冊報銷除清摺咨部外理合會同督臣桂良恭摺
具

奏并繕呈捐輸姓名銀數清單伏乞

皇上聖鑒謹

奏奉

硃批另有旨欽此又奉

上諭賀長齡奏士民捐修灘河城隍懇請議敘一摺著
吏部議奏此項工程免其造冊報銷該部知道單併

發欽此

飭催出師廣東鎮將迅卽前進摺

奏爲遵

旨飭催出師廣東鎮將迅卽赴浙進京恭摺覆

奏事竊臣承准軍機大臣知會道光二十一年九月

初十日奉

上諭貴州安義鎮總兵段永福著馳驛前往浙江隨同
揚威將軍奕經辦理軍務松桃協副將達騰超著馳
驛來京聽候召見欽此遵查安義鎮總兵段永福松
桃協副將達騰超出師廣東尙未回黔惟兵已凱
撤自必帶兵由粵起程臣當卽飛咨該鎮馳往浙
耐菴奏議存稿

卷七

三

江并飭該副將馳驛進京一面咨會兩廣督臣催
趨外所有遵

旨飭催鎮將迅卽前進緣由理合恭摺覆

奏伏乞

皇上聖鑒謹

奏奉

硃批知道了欽此

酌議黔省嚴禁私硝章程摺

奏爲嚴禁私硝理應官爲收買并須善爲存貯惟黔省情形微有不同謹遵

旨議奏仰祈

聖鑒事 臣接准戶部咨開道光二十一年六月十一日

奉

上諭御史盧毓嵩奏請嚴禁私硝出口酌定官爲收買章程一摺私硝出口例有明禁若如該御史所奏愚民私相售買不肖兵弁得規隱庇疎縱出洋地方官規避處分意存消弭不可不嚴立其防以杜後患至

耐菴奏議存稿

卷七

三

所稱產硝處所小民掃積求利應令地方官設局收買之處是否可行著該督撫妥議具奏欽此欽遵咨會到 臣謹與司道悉心覈議竊以硝磺爲軍火

要需夷地產磺而不產硝雖有大礮非硝無以及遠此嚴私硝出口之禁誠爲今日海防要著惟是產硝之處多在深山曠野硝戶承領官票分赴開挖地僻人多州縣官勢難周察且官額之發價有定而私販之獲利較多於是硝戶之零星售賣奸商之偷漏出境與弁兵之得規隱庇往往而有必欲強爲禁遏則愚民趨利若鶩頑悍者或且聚眾

阻撓轉於地方不便此該御史設局收買之請誠
所謂不遏其流而清其源私販不禁而自止者也
但收買之後必須善爲儲蓄而硝之爲物久藏則
多耗或沾水氣或受地潮雖積千萬觔之多亦皆
消歸無有卽掘土尙可重熬而爐火終多耗費必
用木爲架使去地尺許編成篾簾上下皆用箬葉
包裹方可久貯勿壞迨收買旣多通計儲蓄之數
可備一二年之用則閩省停採暫將廠硔嚴行封
閉有私挖者照例究懲如此則內地之硝皆爲內
地之用私販不得售其奸外夷無所施其技此又
耐菴奏議存稿

卷七

三

收買數年之後所當因時制宜者也惟黔省地方
褊小上游各屬間有硝多之處自應官爲收買以
絕私販之根若下游則產硝無多卽營汛所需尙
虞不足并可無庸收買情形又與各省不同所有
遵

旨酌議緣由理合恭摺具陳伏祈

皇上聖鑒謹

奏奉

硃批另有旨欽此又奉

上諭賀長齡奏遵旨酌議黔省嚴禁私硝章程一摺黔

省上游各屬間有硝多之處必應官爲收買以絕私
販之根著照所議設局收買并妥爲存貯迨收買儲
蓄足備三年之用卽著停採暫將廠硿嚴行封閉仍
著該撫督飭地方官隨時稽察倘有奸商私挖偷漏
弁兵得規隱庇俱著嚴拏懲究毋稍姑容餘著照所
議辦理該部知道欽此

耐菴奏議存稿

卷七

議覆稽察營務請將糧道加兵備道銜摺

奏爲遵

旨議奏事臣接准兵部咨開道光二十一年八月二十

日內閣奉

上諭御史花詠春奏請飭邊疆認真訓練稽察兵備一摺著各該督撫悉心妥議具奏欽此欽遵移咨到臣

臣查該御史原奏大意以督撫專駐省城而全省兵額數萬地方遼闊稽察難周兵備道本與鎮將同城所以相維相制具有深意應責令該道或委明幹大員就近稽查以期兵收實用餉不虛糜此

耐菴奏議存稿

卷七

五

誠覈實責成之至意也查黔省兵制自撫提兩標以及四鎮十協二十五營除遞年裁減外現存額兵三萬六千四百七十七名每年官兵俸餉武職養廉公費賞卹等項合計有閏無閏約需銀七八十萬兩不等綜覽全黔形勢四鎮分設四隅撫提兩標居中控制布置最合機宜惟通省僅有糧儲貴東貴西三道而糧道駐劄省城專管糧儲不兼兵備貴東道與古州鎮同城其鎮遠鎮所駐之鎮遠府亦係該道所轄貴西道與威甯鎮同城其安義鎮所駐之興義府亦係該道所轄所有該四鎮

兵馬糧械與夫訓練事宜應責成該兩道就近分
查并請將糧儲道

賞加兵備道銜所轄貴陽石阡平越仁懷等處凡有營
分責令稽查與東西兩道俱定爲每年一巡或因
公順道查驗統於年終結報一次臣與督臣仍不

時密加訪查覈實辦理但通省各營棋布星羅誠
恐該道等耳目仍難周到查各營兵餉例應會同
地方官按月散放推原例意蓋以兵出於民地方
官最與民近有無冒支尅扣一查卽知或缺額不
補及以老弱充數亦可藉此稽查應飭各營將現

耐菴奏議存稿

卷七

美

在兵丁查造花名年貌清冊移送該管府廳州縣
於每月會同放餉之時照冊點驗有無缺額及老
弱等弊按月查明據實報道無弊則存俟年終彙
報督臣及臣覆覈倘有弊混卽隨時稟揭分別懲
辦如此逐層遞查較爲覈實是否有當伏候

聖裁至於訓練之法制勝之方臣本書生不諳武備謹
就管見撮舉三條以備

採擇

一曰兵必與將一心而後可用諺云撼山易撼岳

家軍難夫軍士一人不過一百勛氣力如何比

山難撼誠以萬人一心則萬箇百勛力併而爲一故難撼也道在平時於各將所轄之兵卽令各將自爲召募自爲訓練遇有征調卽令自將以行如此則責有專屬爲將者知此身與眾兵共安危眾兵卽該將所託命練之必精卹之必至束之必嚴一旦率以從戎恩信自能相孚威令自能相攝卽其技藝性情亦皆諳習而調度無不合宜緩急自能得力然其要尤在召募得人明臣王守仁戚繼光皆擇鄉農之有膂力者招以爲軍蓋力强則膽壯而氣銳鄉農則性樸而志堅加以訓練有方一兵必得一兵之用聯屬有法萬人直如一人之整則兵之衛其將猶手足之捍頭目矣

一曰將必與將一心而後可用傳云師克在和和非詭隨之謂也節制明則分定分定則勢順順則和矣所謂節制者節節而制之也如百總則制百人千總則制千人以次而上凡屬所制者平時體制皆有等差以示威重遇有稟白事件必須挨次轉達不准攙越本管鎮將有傳諭事件亦必挨次遞傳而下務使上不侵下下不犯

上逐層鈴束如身使臂則雖千百員弁皆可呼
吸立通平時果能節制行兵自有紀律韓信之
多多益善用此道也所謂有制而後能和也

一曰兵必與兵一心而後可用曹劌論戰全以氣
勝心齊則氣盛心散則氣衰顧以東西南北糾
合之眾而欲其同心協力如報私仇全在平時
整頓聯絡務使各營各親其侶曉以隸身行伍
之內卽是同憂共患之人平時不相顧愛臨陣
何能救助將須視兵如子弟兵須視將如父兄
兵與兵又相視如左右手果知性命相倚自然
痛癢相關管仲軌里連鄉之法所稱晝戰日相
識夜戰聲相聞患難足以相死者用此道也尤
須切示該兵等使知全家家養悉出

天恩以作其忠勇之氣所得錢糧無非民力當盡其保
衛之勤平日操演之餘常與講明激發人孰無
良誰不感奮尉繚子曰兵無兩畏也畏我則侮
敵畏敵則侮我更須申嚴軍令俾知退則必死
進猶可以死中求生令其畏我甚於畏敵則尤
齊心併力臨幾決勝之要著也

以上數條臣每諳切告戒將弁曉諭兵丁務使人

人粗知大義同心報

國庶幾綏靖邊圉稍效螻蟻微忱迂愚之見誠恐無
當萬一伏乞

皇上聖鑒訓示遵行謹

奏奉

硃批該部議奏欽此

按吏部奏准咨稱應如該撫所奏貴州糧儲道准
其加兵備道銜作爲糧儲兵備道兵部查貴州糧
儲道既經吏部覈准加兵備道銜其所轄貴陽石
阡平越仁懷等處營分應如該撫所奏責令該道
稽察與東西兩道俱定爲每年一巡如查有訓練
不精軍實不齊者卽將廢弛之備弁揭報督撫參
劾以專責成而昭覈實

耐菴奏議存稿

卷七

三

覆奏通飭各營如式製造火藥片

再上年福建提臣陳階平奏請加工製造火藥欽奉

上諭著各直省一體照單如式製造以資利用等因欽

此臣與將備細加試驗其擊遠攻堅實倍於尋常

火藥惟每硝一百觔提至眞明亮味亦不鹹須

折耗三四十觔不等營中若概用提硝恐折耗太

多經費無出辦理未免掣肘臣查各營例應分別

地方燥溼存貯三五年硝磺應請每年於額貯硝

磺內提出一年照新法煮淨製成好火藥由該營

耐菴奏議存稿

卷七

三

將備呈送提鎮驗明收貯逐年添辦愈積愈多專

以畱備軍需之用至平日操演仍用常操之藥如

此則營中不虞賠累軍火亦收實效如蒙

允准臣當通飭各營一律照辦伏祈

聖鑒訓示遵行謹

奏奉

硃批依議妥實爲之欽此

運員在途溺斃請給卹廕摺

奏爲運員因公在途溺斃懇

恩俯准給予卹廕事竊照黔省委解辛丑年下運二起

京鉛准升清江通判周潞於道光二十一年八月

三十日行抵四川巴縣在鑽皂子險灘遭風壞船

沈溺鉛筋該員乘坐小舟親往督撈九月初三日

陡遇暴風覆溺身死經四川督臣派員接運查定

例官員因公差委在大江遭風漂沒身故者照本

官應升品級加贈并廕一子入監讀書期滿候銓

四品以下廕知縣通判贈道銜等語又查滇省委

耐替奏議存稿

卷七

三

員元謀縣知縣呂夢飛辦運道光五年京銅在湖
北歸州新灘遭風淹斃奏奉

諭旨照嘉慶六年委員李浩給予卹廕應完水腳撈費

銀二千一百餘兩免其追繳在案今委員周潞領

運京鉛在途督撈沈失鉛筋遭風溺斃事屬因公

覈與呂夢飛之案相同據藩司具詳前來合無仰

懇

聖恩俯准給予卹廕并請將該故員長領水腳撈費等

銀照例免追以示矜卹除移咨四川省查明銀數

咨部外理合會同督臣桂良恭摺具

奏伏乞

皇上聖鑒訓示謹

奏奉

硃批該部議奏欽此

耐替奏議存稿

卷七

三

修建溫水衙署各工請敘摺

奏爲修建溫水衙署各工動用公費現已捐貲還款
循例懇

恩俯准議敘事竊照仁懷縣逆產田畝前經

奏懇賞入尙節及幼兩堂將溫水等處移駐文武員
弁應建衙署兵房銀兩悉由黔省捐辦欽奉

上諭著照所請此項入官田畝八頃三十一畝零卽賞
給該省尙節堂及幼堂招佃耕種以資經費餘著照
所議辦理欽此遵查武弁衙署營房上年

奏明動用報部公費銀三千二百七十七兩零修理

耐菴奏議存稿

卷七

重

完竣其經歷衙署續估銀八百一十兩亦經籌款
修竣茲據仁懷縣知縣張承霖捐錢一千二百八
十串思南府知府文秀捐銀五百兩代理銅仁縣
事候補縣丞胡台捐銀四百兩餘係零星捐湊共
合銀四千八十七兩零全數歸還公費等款該員
文秀張承霖胡台捐辦工程洵屬急公據藩司具
詳前來合無仰懇

天恩俯准交部分別議敘用昭激勸除飭取工段冊結
另行咨部外理合會同督臣桂良恭摺具

奏伏乞

皇上聖鑒謹

奏奉

硃批另有旨欽此又奉

上諭賀長齡奏修建衙署各工動用公費現已捐賞還款循例懇恩議敘一摺著吏部議奏欽此

耐菴奏議存稿

卷七

七

修理仁懷營塘房委員查勘摺

奏爲修理僻路塘房照例委員勘明恭摺奏祈

聖鑒事竊照仁懷營額設僻路塘卡兵房三十三處因
建立年久柱朽牆坍先經遵義府等查勘應修估
需工料銀二千九百二十七兩零由

臣

奏明動項修理接准部咨例由總兵副將會同地方
官親往查勘應令照例勘明覆奏并將從前建修
年分聲敘等因

臣查仁懷營設自順治十三年原

隸四川管轄雍正七年改隸貴州所屬僻路塘房

遇有損壞歷係隨時黏補上年因各塘坍塌兵丁

耐菴奏議存稿

卷七

七

難以棲止急須修葺於十一月興工至本年閏三
月修竣當經提督飭委遵義協副將福光前往會
勘自橘壩井塘至黎民隘塘十三處該副將會同
仁懷縣知縣張承霖挨次勘明其自甕坪塘至兩
路口塘二十處該副將會同仁懷廳陳熙晉逐一
勘明俱係合式堅固并無草率浮冒造具冊結由
府道加結移送藩司覈詳前來

臣覆覈無異除冊

結咨部外所有修理塘房照例委勘緣由理合恭

摺覆

奏伏乞

皇上聖鑒謹

奏奉

硃批工部議奏欽此

耐菴奏議存稿

卷七

美

耐菴奏議存稿卷八

目錄

查明上忙地丁錢糧已未完解摺 道光二十二年正月二十二日

官民捐建義學義倉并添兵房請獎片 正月二十日

貴筑縣文童捐備卷價請獎片 正月二十二日

酌擬撙節各款并捐養廉摺 二月二十日

楚鉛開運委員解交漢局摺 二月二十日

歸化廳官民捐修工程請獎摺 三月十七日

述職又經屆期懇請入覲摺 四月二十一日

辦運京鉛請先期發銀摺 四月二十二日

耐菴奏議存稿 卷八 目錄

銀價未平請將錢局暫緩開鑄摺 四月二十二日

查明下忙地丁錢糧依限全完摺 四月二十二日

清平縣士民建倉捐穀請獎片 四月二十二日

上年黔省錢糧全數徵完摺 五月二十六日

上年調赴廣東官兵凱撤回黔片 五月二十六日

召募土兵并捐給軍火口糧摺 六月二十六日

銅仁等處士民捐修工程請獎摺 六月二十六日

道庫存銀不敷買運請借動司庫摺 七月二十七日

議覆原奏撙節各款請分別裁緩摺 八月初七日

辦運京鉛仍應依限起解摺 八月二十五日

石阡府士民捐建考棚書院請獎摺

九月二十六日

松桃廳同知捐修城垣請予議敘片

九月二十六日

捐辦礮位并將廢鐵改鑄擡礮片

十月十二日

覆奏訓練土兵事宜摺

十月二十五日

戶部咨寶泉局停運黑鉛請酌定年分摺

十一月十二日

查辦衙蠹地棍名數年終彙奏摺

十二月十九日

興義府官民捐辦各工請獎摺

十二月十九日

查禁私鑄小錢并攙和行使年終具奏片

十二月十九日

耐菴奏議存稿卷八

善化賀長齡耦庚

查明上忙地丁錢糧已未完解摺

奏爲查明道光二十一年黔省應徵地丁正耗錢糧
截至年底已未完解數目遵例恭摺奏祈

聖鑒事竊照定例每年額徵錢糧上忙徵過若干下忙
徵過若干各未完若干其已完州縣共應畱支若
干實應解存司庫報部若干向由藩司分款造冊
詳報督撫查覈具奏耗羨等銀應隨正項錢糧歸
入上下兩忙一併冊報查黔省徵收錢糧定限九
月開徵以年底完半爲上忙次年三月全完爲下
忙道光二十一年地丁正耗錢糧臣於九月開徵
之時檄飭各屬上緊徵解茲據藩司李象鵬查明
上忙已未完各數造冊請

奏前來臣覆加查覈黔省各屬應徵道光二十一年

地丁并遇閏加徵共銀一十二萬三千七百四十
七兩零耗羨并耗米官租變價及遇閏加徵共銀
二萬五千九百六十二兩零內除例准改徵米石
并存畱坐支外應起解司庫地丁等銀六萬六千
八兩零截至年底止已完解司庫銀六萬二千一

百一十九兩零未完銀三千八百八十九兩零又
應起解司庫耗羨等銀七千八百七十六兩零截
至年底止已完解司庫銀七千六百八十兩零未
完銀一百九十六兩零節經嚴檄飭催務於三月
內依限掃數完解現在屬庫并無已徵未解之項
除將清冊送部外所有上忙地丁錢糧已未完解
數目理合遵例恭摺具

奏伏乞

皇上聖鑒謹

奏奉

耐替奏議存稿

卷八

二

硃批戶部知道欽此

案查奏上忙地丁錢糧數目係每年例摺今存其
一餘不悉錄

官民捐建義學義倉并添兵房請獎片

再仁懷縣之溫水場鐵匠壩等處前因逆匪甫就蕩平經臣

奏准移駐文武員弁彈壓稽查在案前署縣曾鴻翥以該處民居稠密并無義學義倉不足以資教養該員倡捐廉銀一千六百一十九兩零勸諭民人捐銀一千七百七十兩在溫水場鐵匠壩各建義學一所俾貧乏童蒙咸知誦讀又於縣城溫水場各建義倉一所貯穀二千三百石以備荒歉并添建溫水汛兵房十間共用銀二千七百八十九兩

耐菴奏議存稿

卷八

三

零尚餘銀六百兩交商生息以爲義學延師脩脯之資據現任仁懷縣張承霖查明取造冊結開列捐戶姓名由府申司議詳前來臣查前署仁懷縣曾鴻翥捐廉倡率民人踴躍捐輸建設義學義倉并添建兵房洵屬急公可嘉自應

奏請獎勵除捐數不應敘者由臣督飭該縣分別獎以花紅扁額外所有捐銀一千兩以上之前署仁懷縣事准升威甯州知州曾鴻翥三百兩以上之民人王一元楊東祥何其仁二百兩之民人穆森

林仰懇

天恩交部分別議敘此項捐辦工程請免造冊報銷除
冊結咨部外理合會同督臣桂良附片陳明伏乞
聖鑒謹

奏奉

硃批另有旨欽此又奉

上諭賀長齡奏官民捐建義學義倉并添建兵房請分
別獎勵等語著吏部議奏此項工程免其造冊報銷
該部知道欽此

耐菴奏議存稿

卷八

四

貴筑縣文童捐備卷價請獎片

再據貴筑縣文童子成勳具稟各屬應試文童類皆寒畯每以艱於卷費裹足不前該童情願捐制錢二千串發商生息製備試卷經貴陽府查明由藩司議詳前來臣查貴筑縣文童子成勳捐繳制錢二千串例應作銀二千兩經該縣發商生息以備貴筑一縣暨貴陽府八屬歲科兩試文童招覆卷資俾寒士踴躍觀光洵屬善舉仰懇

天恩交部議敘以示獎勵除冊結咨部外理合會同督臣桂良附片陳明伏乞

耐菴奏議存稿

卷八

五

聖鑒謹

奏奉

硃批另有旨欽此又奉

上諭賀長齡奏文童捐資製備試卷懇恩議敘等語著吏部議奏欽此

酌擬撙節各款并捐養廉摺

奏爲遵

旨酌擬撙節各款并捐廉以資經費恭摺奏祈

聖鑒事竊臣承准軍機大臣字寄道光二十一年十一

月十四日奉

上諭戶部奏各省辦理軍需河工災賑一年有餘請撥銀兩已至二千一百餘萬之多除動用地丁鹽課關稅外實撥內務府廣儲司及部庫銀七百三十萬兩請飭力求撙節等語國家經費有常自應量入爲出現在軍需河工災賑先後頒發帑金數已不少著各

耐菴奏議存稿

卷八

六

將軍府尹督撫及漕運河道各總督於必不可緩之需力加撙節并嚴飭承辦各員毋許絲毫浮濫事竣覈實報銷嗣後遇有請帑事件務須妥爲籌畫不得率聽所屬詳稟動輒援案聲請以致漫無限制其直省常平義倉存穀原備賑卹之用并著各督撫等體察情形覈實散放毋庸概給折色銀兩以裕民食而期節用該督撫等受恩深重當此制用孔亟之時諒能仰體朕心分別緩急通盤籌度不致視爲誥誡虛文也將此各諭令知之欽此遵查黔省常平義倉穀石俱係照額存貯遇有賑卹隨時覈實散放從未

折給銀兩工程已奉停止其修葺廟宇書院橋道等項係官民捐辦嗣後凡遇請帑事件非萬不可緩概不准援案聲請外臣謹將每年例支各款分別緩急率同藩司李象鵬等逐一悉心籌議查黔省之古州八寨丹江都江清江台拱松桃下江荔波等廳縣皆係苗疆前因審理詞訟言語不通設立通事一百九十五名年給工食銀二千一十一兩零係於耗羨項下動支近年差役皆係土著民人通曉苗語如遇催徵錢糧及詞訟案件差役均可承辦應請將通事裁汰又通省額設衝路鋪夫

四百四十四名年給工食銀三千四百五十餘兩僻路鋪夫九百四十七名年給工食銀七千三百七十餘兩係於條丁銀內動支黔省僻路州縣并無驛站必須鋪夫遞送公文未便裁汰惟間有人數稍多之處應減去二成鋪夫一百八十九名工食銀一千四百七十餘兩仍畱八成應役衝路本有驛站可以傳遞公文應請將鋪夫裁汰又嘉慶二年興義銅仁軍需平定後興義等處設立土弁二百六十六員除陸續裁減外現存土弁九十員年給工食銀四百二十四兩係於逆產租穀變價

項下動支銅仁等處設立苗弁二百一十一員歲
支工食銀一千六百五十六兩苗兵三百一十名
歲支工食銀一千八百六十一兩係隨同官兵俸餉
估撥支給查土弁苗弁前因苗疆初平藉資彈壓
今承平日久苗民向化且有寨頭管束該弁等均
請裁汰苗兵原因苗弁而設向止遞送文書并無
操演徵調之責現有僻路鋪夫可以代遞應請將
苗兵裁汰以上衝僻各路鋪夫及通事土弁苗弁
苗兵六項每年約共樽節銀一萬八百七十餘兩
爲數無多不足濟用臣等受

耐菴奏議存稿

卷八

八

恩深重當此需費孔亟之時理應勉效涓埃稍抒微悃

臣與學政司道額支養廉銀二萬八千四百兩請
每年捐出二成銀五千六百八十兩府廳州縣額
支養廉銀四萬八千三百六十兩請每年捐出一
成銀四千八百三十六兩連樽節各項共銀二萬
一千三百八十餘兩其捐出養廉俟經費充裕再
請復額支領土弁苗弁從前隨征有功仍請給予
頂戴榮身至苗弁苗兵工食銀已領至本年春季
止應自夏季起將裁汰銀兩造入秋撥冊內報部
留抵下年兵餉之用土弁工食銀尙未支給鋪夫

春夏二季工食銀業經支領各官養廉及通事工食銀已領至春季止以後皆照數停支所有裁汰土弁通事鋪夫工食同捐廉銀兩俟年底收齊造入次年春撥冊內報部畱抵京鉛水腳之用并據藩司具詳前來所有臣遵

旨酌擬樽節各項及捐廉緣由是否有當理合恭摺具奏伏乞

皇上聖鑒訓示謹

奏奉

硃批依議該部知道欽此

耐菴奏議存稿

卷八

九

楚鉛開運委員解交漢局摺

奏爲黔省開運楚鉛以供銷售及軍需應用恭摺具
奏事竊照黔省額辦白黑鉛筋運供京外各局鼓
鑄京運四起係按年解交楚運一起年辦白鉛二
百六十三萬筋黑鉛五萬筋已運至丁酉年止上
年因湖北漢局存鉛充裕

奏准將戊戌己亥兩年楚鉛停運茲接湖廣督撫臣
咨開現在匪徒滋事製辦鉛子并各省採買需鉛
過多祈卽委員運楚以便分售濟用臣查戊戌己

亥兩年楚鉛業經停運無庸補辦外應以庚子年

耐補奏議存稿

卷八

十

爲始將年額白黑鉛二百六十八萬筋補行開運
查有永從縣知縣雙荃堪以委解并據藩司具詳
前來除飭趕緊運交焚辦以供銷售及軍需應用
外所有楚鉛開運緣由臣合會同督臣桂良恭摺
具

奏伏乞

皇上聖鑒謹

奏奉

硃批知道了欽此

歸化廳官民捐修工程請獎摺

奏爲官民捐修工程循例懇

恩俯准議敘事竊照歸化廳城內向無井泉前於距城二里外之濠箐地方開砌溝道引水入城以供居民汲用旋因濠箐出水無多溝道又被泥淤難以源源挹注有平遠州監生丁萬選聞知此事情切急公於廳城東門五里外查得該處有山名老令坡其山頂及山腰出有清泉兩道四時不絕可以溝引入城惟路較濠箐稍遠且須鑿石爲槽方免淤泥壅塞工費頗繁經署歸化廳陶金詒勘明捐廉一千兩該生丁萬選捐銀一萬五千二百一十五兩零民人楊洪煒童錦章各捐銀一百兩鳩工庀材另砌石溝於本年正月工竣并建龍神廟置產收租以資經費造冊由司議詳前來臣查歸化廳官民捐砌溝道引水便民洵屬善舉自應

奏請獎勵而平遠州監生丁萬選以隔屬士民不惜

重賞又復親自督辦尤爲難得除例不應敘及監

工出力各士民由臣督飭地方官分別獎以花紅

扁額外所有捐銀一萬五千兩以上之平遠州監

生丁萬選仰懇

天恩交部議敘至署歸化通判事布政使庫大使借補
安順府經歷陶金詒捐廉督辦經理有方可否一
併交部議敘以示鼓勵之處出自

聖主鴻慈再此項工程係官民捐辦請免報銷除冊咨
部外理合會同督臣桂良恭摺具

奏伏乞

皇上聖鑒謹

奏奉

硃批另有旨欽此又奉

上諭賀長齡奏官民捐修工程懇請獎勵一摺著吏部
耐菴奏議存稿

卷八

十一

議奏此項工程免其造冊報銷該部知道欽此

述職又經屆期懇請入

覲摺

奏爲述職又經屆期恭摺奏請入

覲事竊臣前於道光十九年夏間因到黔已屆三年奏

請

陛見恭奉

硃批暫緩前來諸凡認真辦理下屆再行奏請欽此臣

以駕下之材仰荷

訓詞勗勉敢不任勞任怨力矢公勤以期綏靖邊隅上

酬

耐菴奏議存稿

卷八

三

知遇於萬一幸蒙

聖主福庇三年來陽雨應時民苗樂業地方尙屬敎安

計自十九年奏請後扣至今年五月又屆述職之

期伏念黔省公事雖簡而巡撫責任綦重臣愚實

懼弗勝現無經手要件惟有籲懇

天恩准臣

陛見俾得面聆

慈誨庶事事有所稟承冀可稍免隕越藩司李象鵬才

識兼優居心正派在黔五載熟悉情形如蒙

允臣入

觀所有巡撫印務請交該藩司護理臣卽趨詣

闕廷敬申積年瞻戀微悃爲此恭摺奏懇伏祈

聖鑒訓示謹

奏奉

硃批下屆再行奏請欽此

耐菴奏議存稿

卷八

古



Vertical text columns on the left side of the page, including the characters '聖鑒' and '奏奉', which are also present in the main text block on the right.

辦運京鉛請先期撥銀摺

奏爲辦運甲辰年京鉛應需工本腳費銀兩循例先期請撥以資接濟恭摺奏祈

聖鑒事竊照京城寶泉寶源兩局鼓鑄配用鉛劬向係

黔省運供先期撥銀採辦按年依限交局甲辰年

額辦白鉛四百三十九萬一千九百一十四觔黑

鉛四十七萬三千二百三十八觔零帶解營操黑

鉛三萬觔共白黑鉛四百八十九萬五千一百五

十二觔零按照例價應需工本腳費銀三十萬五

千四百五十六兩零內除分撥倉場衙門車價暨

耐菴奏議存稿

卷八

五

節省運腳并沿途剝費等銀一萬一千二百六十

五兩零又分撥湖北省存銀一萬九百一十七兩

零江南省存銀九千二百一十三兩零隨時轉發

委員應用又黔省扣收上屆委員譚煒王兆俊曹

敦錡楊書魁李秀發施鳴盛運鉛欠款及貴西道

周廷授署安順府朱德遜完解攤賠故員劉映春

運鉛欠款共銀三千一百八十五兩零抵用外實

應撥解來黔銀二十七萬八百七十四兩六錢八

分一釐據藩司李象鷗詳請

奏撥前來臣覆覈無異合無仰懇

聖恩敕下部臣酌撥銀二十七萬八百七十四兩零以
供辦運甲辰年鉛劬之用造入該年運鉛冊內報
銷除銀鉛細數咨部查覈外理合恭摺具

奏伏乞

皇上聖鑒謹

奏奉

硃批該部知道欽此

耐菴奏議存稿

卷八

去

銀價未平請將錢局暫緩開鑄摺

奏爲查明銀價未平請將錢局暫緩開鑄以便兵民

恭摺奏祈

聖鑒事竊臣接准部咨欽奉

上諭著直隸山西陝西江蘇江西浙江福建湖北湖南
廣西貴州各督撫務照每年應鑄卯額迅速開鑄如
銀價實有未平著體察情形將卯額奏明酌減等因
欽此自應欽遵辦理惟查寶黔錢局前於道光十
八年因錢價過賤每銀七錢易制錢一千兵民頗
形苦累不願承買局錢是以

耐菴奏議存稿

卷八

七

奏准停爐將官弁俸廉兵餉役食全發銀兩免其搭
錢今則每銀六錢三分即可換制錢一千較之十
八年停鑄之時錢價愈賤卽減卯開鑄仍難令其
驟貴若照例塔放每錢一千抵銀一兩實於寒苦
兵役多所未便茲據該管錢局之貴陽大定兩府
稟由藩司議詳前來合無仰懇

聖恩俯准將寶黔錢局暫緩開鑄容臣隨時察看一俟

銀價漸平卽行

奏請照舊開爐以重錢法而資民用是否有當理合

恭摺具

奏伏乞

皇上聖鑒訓示謹

奏奉

硃批另有旨欽此又奉

上諭賀長齡奏請暫緩開鑄一摺據奏貴州省前因銀
貴錢賤暫停鼓鑄現今銀價較前有增無減未便遽
議開鑄著照所請准將貴州寶黔局額卯錢文暫緩
鼓鑄俟察看情形如銀價漸平卽行開鑄該部知道
欽此

耐菴奏議存稿

卷八

支

查明下忙地丁錢糧依限全完摺

奏爲道光二十一年黔省應徵地丁正耗并耗米官租變價等銀掃數全完遵例奏祈

聖鑒事竊照定例每年額徵錢糧上忙徵過若干下忙徵過若干各未完若干其已完銀內州縣共應畱支若干實應解存司庫報部若干向由藩司分款造冊詳報督撫查覈具奏耗羨等銀應隨正項錢糧歸入上下兩忙一併冊報查黔省錢糧定限九月開徵以年底完半爲上忙次年三月全完爲下忙道光二十一年地丁正耗錢糧截至年底止業耐菴奏議存稿

卷八

充

將上忙完欠數目

奏報在案本年三月應截下忙之期據藩司李象鵬查明全完各數造冊請

奏前來臣逐加查覈黔省各屬應徵道光二十一年地丁并遇閏加徵共銀一十二萬三千七百四十七兩零耗羨并耗米官租變價及遇閏加徵共銀二萬五千九百六十二兩零內除例准改徵米石并存畱坐支外實應起解司庫地丁等銀六萬六千八兩零上忙已完銀六萬二千一百一十九兩零未完銀三千八百八十九兩零又應起解司庫

耗羨等銀七千八百七十六兩零上忙已完銀七千六百八十兩零未完銀一百九十六兩零今於三月內據各屬全數完解司庫除冊送部外所有道光二十一年地丁正耗并耗米官租變價等銀依限全完緣由理合遵例具

奏伏乞

皇上聖鑒謹

奏奉

硃批戶部知道欽此

按查奏下忙地丁錢糧依限全完係每年例摺今

耐菴奏議存稿

卷八

存其一餘不悉錄

三

清平縣士民建倉捐穀請獎片

再義倉所以備荒并於青黃不接之時平糶以濟民食最爲地方要務前署清平縣洪鳳翥與現任知縣汪申祿各捐穀五百石該縣典史張楷捐穀六十石勸諭士民捐穀三千二百一十二石捐田二垧又捐銀八百九十七兩零在於縣城暨各鄉適中之處建倉四座計一十九間共貯穀四千二百七十二石其田畝歲收租息以爲修倉及看司工食之用經該縣開列捐戶姓名銀穀各數由司道委員覆查議詳前來臣查定例凡捐穀每石算

耐菴奏議存稿

卷八

三

銀一兩除各該令倡捐穀石係地方官應辦之事不敢仰邀議敘并士民捐數無多由臣督飭地方官獎以花紅扁額外所有捐穀合銀四百二十兩之民人陳兆弼四百兩之民人蔣國恩唐廷楷捐銀二百五十兩之民人劉炳星仰懇天恩交部分別議敘此係官民捐辦請免報銷除冊結咨部外理合會同督臣桂良附片具

奏伏乞

聖鑒謹

奏奉

係批另有旨欽此又奉

上諭賀長齡奏清平縣士民捐建義倉請分別議敘等語著吏部議奏免其造冊報銷欽此

耐菴奏議存稿

卷八

三



上海圖書館藏

上海圖書館藏

上海圖書館藏

上年黔省錢糧全數徵完摺

奏爲道光二十一年分黔省應徵錢糧全數徵完恭摺奏祈

聖鑒事竊照道光二年戶部議奏州縣徵收錢糧請責成該管上司實力催解一摺欽奉

上諭嗣後實徵錢糧務令掃數完解并飭藩司隨時調查紅簿串根以杜虧那各督撫於奏銷題報外照例具奏摺內開具清單明列通省三年比較如本年額徵若干已完若干未完若干積年舊欠若干於本年帶徵已完若干未完若干比之上三年最多最少之

耐菴奏議存稿

卷八

重

數或盈或絀一一註明使眉目清楚一覽了然欽此

臣查黔省山多田少額賦無多應徵錢糧向於每

年奏銷前全數解司清款無從那掩滋弊其紅簿串根請免調查茲屆錢糧奏銷之期查道光二十一年分藩司督催額徵地丁并遇閏加徵等銀一十二萬三千七百四十七兩零又徵耗銀一萬六千四百六十七兩零內除改徵米石并存畱坐支外實該起解藩庫地丁等銀六萬六千八兩零實徵耗銀一萬五千八兩零又徵耗米變價銀八千六百一十四兩零又徵官租變價銀四百七十二

兩零已掃數完解糧儲道項下督催額徵本色秋糧正耗并條銀閏銀改徵大小米穀蕎共一十五萬七千九百三十石零又黃豆七百五十五石零業經催收全完并無短欠合計錢糧兩項歷係年清年款無憑開列比較茲據布政使李象鵬糧儲道吳振棫查明二十一年分錢糧全完數目造具冊結會詳前來臣覆加稽覈并親詣盤查無虧除恭疏

題報外所有道光二十一年分黔省錢糧全數徵完

緣由理合恭摺具

耐謹奏議存稿

卷八

五

奏伏乞

皇上聖鑒謹

奏奉

硃批戶部知道欽此

按奏報黔省錢糧全數徵完係每年例摺今存其一餘不悉錄

上年調赴廣東官兵凱撤回黔片

再黔省調赴廣東官兵二千八百十八員名除在粵事故八十五員名畱粵聽遣兵六名及總兵段永福隨帶弁兵二十員名前赴浙江外餘俱分起凱撤上年八月間該將官石蓋臣達騰超等管帶弁兵一千五百六十餘員名於九月十五日二十一日回黔本年三月間該將官春福向光先等管帶弁兵一千一百四十六員名於四月三十日五月十二日先後回黔均經臣嚴飭沿途地方官彈壓查催該弁兵等并未停畱滋事已各回營歸伍

耐菴奏議存稿

卷八

五

所有官兵凱撤回黔名數理合會同督臣桂良附片陳明伏乞

聖鑒謹

奏奉

硃批知道了欽此

召募土兵并捐給軍火口糧摺

奏爲遵

旨召募土兵勤加訓練期收實效恭摺奏祈

聖鑒事竊臣接准部咨欽奉

諭旨著各省督撫飭令州縣於添設民壯之外召募土
兵勤加訓練選其精銳收置營伍既可保衛地方兼
可豫備征調該督撫務當行之以實不得虛應故事
冒濫名糧致滋流弊等因欽此伏查訓練土兵卽古
民兵之遺意孰不愛其身家孰不戀其鄉里果能
約束嚴整訓練有方則人自爲戰家自爲守眾志
耐菴奏議存稿 卷八 美

成城處處皆有金湯之固唐臣李抱眞節度澤潞
以土瘠民困無可贍軍乃選民之壯者免其租徭
令於農隙習射比及兩年得精兵二萬此訓練土
兵之效也臣謹遵

諭旨率同司道分飭各屬妥爲籌辦現計通省共募得
土兵一千七十六名年歲均在二十上下膂力方
剛又飭各屬覓雇素嫻技藝之人專司教演每土
兵十名以五名習火鎗以五名習弓刀其火鎗打
靶與演習弓刀悉照營務章程總期一年之內訓
練如法平時足資捍衛臨事亦便驅策若遇賊盜

竊發卽令前往會拏所需鎗刀弓箭及衣履等件
均由地方官捐備又每名月給米三斗鹽菜錢五
百文俾資食用其每月操演需用火藥鉛丸應辦
硝磺鉛勛以及製造器具柴炭價值均由臣與藩
司捐廉發給兼令各屬將召募名數就近移知各
營遇有營兵老弱汰除及事故出缺卽知會地方
官將土兵隨同營兵一律考試選其精銳收歸隊
伍仍卽續行募補以符土兵原額并將開除同募
補姓名按季申報各上司衙門查覈臣仍隨時督
率司道實力奉行并飭各道於每年巡查營伍之
耐菴奏議存稿

卷八

七

時按名調閱分別賞罰勿任虛應故事日久滋弊
黔民素耐勞苦兼能涉厯險峻加以訓練可期技
藝精熟益壯聲威仰副我

皇上增修武備綏靖苗疆之至意所有召募土兵名數
及捐給軍火口糧緣由據兩司議詳前來理合會
同督臣桂良恭摺具

奏伏乞

聖鑒謹

奏奉

硃批另有旨欽此又准軍機大臣字寄奉

上諭賀長齡奏遵旨召募土兵勤加訓練一摺據稱現計通省共募得土兵一千七十六名又覓雇素嫻技藝之人專司教演等語覽奏均悉所請土兵十名內以五名習火鎗卽照議辦理惟此項土兵步射旣非素習一時恐難有準其請習弓刀之五名著改爲練習刀矛俟挑補入伍後再行學習弓箭所需火鎗刀矛及衣履等件卽由該地方官捐辦其每名每月給米三斗鹽菜五百文及所需火藥鉛丸器具等物准由該撫與藩司捐廉發給所募名數就近移知各營遇有營兵出缺卽將土兵與營兵一律考試挑選歸耐菴奏議存稿

卷八

五

伍仍續行募補以符原額按季申報各上司衙門查覈該撫隨時督同司道等實力奉行務期一兵得一兵之用無致有名無實并飭各道於每年巡查營伍之時按名調閱分別賞罰不得虛應故事日久滋弊將此諭令知之欽此

銅仁等處士民捐修工程請獎摺

奏爲士民捐建考棚書院橋道各工完竣循例懇

恩俯准議敘事竊照銅仁府縣松桃廳生童向附鎮遠

府合棚考試因路遠費繁經

臣

奏准在於銅仁府分設考棚令松桃廳就近附試應

建考棚并修理銅仁府學

文廟俱係士民捐辦共捐制錢三萬八千一百十二串

除工程用錢二萬七千五百五十二串又將錢六

千串分交銅仁玉屏青谿三縣生息以備考試經

費外餘錢四千五百六十串發商生息作爲考棚

耐菴奏議存稿

卷八

无

歲修之資又羅斛州判地方灘多路險行旅維艱

該處向無書院民苗鮮知禮義經署州判邵鴻儒

勸諭士民捐銀一萬五千四百三十九兩零由城

北拉磨坡改紆爲直新開大路三十二里又於達

祥河建石橋二座蕘溪河建石橋一座由城東至

八達場修整道路六十里由城南至羅蘇場改險

爲平計路二十餘里由城西南至母運地方修改

道路六十餘里又於仁里河建石橋一座并設義

渡六處使商民咸履坦途而免病涉又創建書院

廣仁堂各置義田俾資經費據該府等查明捐數

姓名由司議詳前來臣查定例每錢一千算銀一兩除士民捐數無多由臣督飭地方官獎以花紅扁額外其捐數較多之黃智誠等七十六名均與議敘之例相符仰懇

天恩交部分別議敘以示鼓勵此項捐辦工程請免報

銷除咨部外理合會同督臣桂良恭摺具

奏并繕呈捐數姓名清單伏乞

皇上聖鑒謹

奏奉

硃批另有旨欽此又奉

耐菴奏議存稿

卷八

三

上諭賀長齡奏士民捐建考棚書院橋道懇恩鼓勵一摺著吏部議奏此項工程免其造冊報銷該部知道

單併發欽此

道庫存銀不敷買運請借動司庫摺

奏爲道庫存銀不敷買運兵糧之用循例借動司庫
備用銀兩以供支放恭摺奏祈

聖鑒事竊查動撥銀兩例應奏明請

旨辦理黔省鎮遠古州等鎮協營每年應需兵糧除各
屬徵收秋米供支外其不足月糧係鄰近地方買
運供支併折給兵丁自行買食所需米價運腳及
折色等銀向於糧儲道庫收存餘米變價并折徵
米價等項銀內支放如有不敷於司庫備用銀內
借動支發事竣報銷將動支司庫銀兩

耐菴奏議存稿

卷八

三

題撥還款歷經遵辦在案查備用項下現存銀四萬
二千九百二十兩零道光二十二年九月起至二
十三年八月底止鎮遠古州等鎮協營兵丁不足
月糧約需折色米一萬五千三百餘石應由道庫
約發銀一萬八千一百餘兩又興義松桃定番仁
懷大塘等府廳州縣州判應採買兵米九千三百
二十餘石由道庫約發米價銀一萬一千三百餘
兩均俟秋糧價定後按照確數報銷又興義大定
都勻鎮遠思州思南黎平銅仁等府暨普安黃平
餘慶等廳州縣輓運兵糧由道庫約發腳費等銀

二萬五千四百餘兩以上折色採買運腳等項約
共需銀五萬四千八百餘兩除將糧儲道庫收存
各屬餘米變價及折徵米價并照例由司移貯道
庫湊發運腳等項共銀四萬五千八百餘兩支放
外尚不敷銀九千餘兩在於司庫備用銀內動撥
交糧儲道隨時支發據藩司李象鵬具詳請

奏前來

臣查與歷年動撥銀兩例案相符自應照數

借動支收俾得乘時買運以裕兵食

臣惟有嚴飭

道府認真稽察并督率所屬各廳州縣實心妥辦

毋許尅扣抑勒滋弊如查有短發米價運腳擾累

耐菴奏議存稿

卷八

三

民苗情事卽當嚴參究辦仍俟買運兵糧事竣造
冊報銷

題請撥還原款除咨明戶部外所有借動司庫銀兩

緣由理合循例恭摺具

奏伏乞

皇上聖鑒謹

奏奉

硃批戶部知道欽此

按道庫存銀不敷買運借動司庫銀兩係屬例摺

今存其一餘不悉錄

議覆原奏摺節各款請分別裁緩摺

奏爲遵

旨覆查摺節各款分別裁緩恭摺奏祈

聖鑒事竊_臣等承准軍機大臣字寄道光二十二年四

月十一日奉

上諭前據賀長齡奏遵旨酌議摺節各款并捐廉以資經費一摺業經降旨依議并飭該部知道矣因思黔省地屬苗疆賀長齡所議裁汰衝僻各路鋪夫通事土弁苗弁苗兵六項此項人等或係爲苗傳語之通事或係與苗雜處之鋪夫一經汰除名役恐不免餽耐菴奏議存稿

卷八

三

口無資至土弁苗弁苗兵一旦全行汰去設使其中有不逞之徒藉口奪其衣食互相勾結難保不別生事端於邊疆殊有關係自應熟籌妥善以免後慮著桂良賀長齡再行悉心體察有無流弊詳覈妥議具奏將此諭令知之欽此仰見我

皇上軫念邊疆所以爲民苗顧生計防後患者至深且

遠_臣等跪誦之下欽佩難名遵卽飭據貴州藩臬

兩司及各道確察情形將原奏各款分別請緩請

裁會請具詳前來_臣等復查黔省前於嘉慶初年

平定銅興苗匪籌辦善後案內興義等府共設大

小土弁二百六十六員銅仁等府共設苗弁二百六十一員均子隨剿出力之苗人承充原因苗疆甫定既可藉資彈壓兼以酬其微勞當日奏定章程不准子弟承襲遇有額缺另行選充如無可充之人卽請裁汰現今土弁一項因陸續出缺奏裁僅存九十員苗弁雖如原額但每逢缺出多有一時選舉乏人緩至一二年始行充補者蓋緣承平日久苗性漸馴且有保甲寨頭足資約束也又苗兵一項祇供差遣奔走并無操防之責遇事一項原因審理苗民詞訟言語不通而設近來苗人皆知漢語無藉通傳就現在情形而論前項弁兵通事皆非必需之人但既令充當於前若一旦全行汰去誠如

聖諭恐伊等衣食無資自當於樽節之中求安全之計臣等悉心籌酌所有土弁苗弁苗兵通事四項此時暫請緩裁仍照向例支給工食嗣後凡有病故辭退及緣事斥革卽請陸續開除不復選舉補充如此辦理既不虞驟奪衣食別滋事端亦不使終久因仍虛糜公項庶節費以漸防患以周似於邊土民情可無拂戾矣至衝路鋪夫均在有驛之廳

州縣地方查該廳州縣於往來緊要公文俱專馬夫馳遞其尋常文件例不給驛者各站相隔匪遙儘可遣差遞送轉較鋪遞爲速應請仍照_臣賀長齡前奏將原設衝路鋪夫裁汰所裁之人飭令有驛地方官擇其年力強壯者分別挑補壯丁選充差役均各妥爲安頓俾得餬口有資其僻路鋪夫原不可省惟各屬統計共設九百四十七名每處十餘名至數十名不等額數未免冗多裁二畱八足敷應役此項鋪夫均係本地農民充當除其名役猶可各安耕種無慮失業亦請仍照前奏裁減

耐菴奏議存稿

卷八

三

二成飭將節支工食銀兩入冊報部所有_臣等遵旨覆查籌議緣由是否有當謹合詞恭摺具

奏伏乞

皇上聖鑒訓示謹

奏奉

硃批該部議奏欽此

辦運京鉛仍應依限起解摺

奏爲黔省辦運京鉛仍應依限起解俟運抵湖北漢口酌量情形分別辦理恭摺奏祈

聖鑒事竊臣接准湖北撫臣咨會夷船攔截大江凡銅

鉛船隻應暫行截畱等因臣查黔省每月應辦京

鉛四百八十餘萬觔向係分作四起委員運交各

員承領運腳銀兩卽赴四川鉛局接兌一面遣丁

先至重慶打造船隻并雇頭舵水手酌發工食及

置備器具俟鉛觔剝運到渝裝載開行現在壬寅

年第四起運員壽元涓癸卯年第一起運員朱右

耐菴奏議存稿

卷八

美

賢第二起運員劉玉麟第三起運員張淑京俱已

赴局兌鉛剝運若遽行停止則運腳銀兩已爲造

船雇夫用去無從繳還且一經稽遲則本年鉛船

卽不能趕抵漢口必致讓漕守凍節節耽延因緩

數月之運或誤一年之期殊有關繫臣與藩司李

象鵬再四籌酌惟有飭令趕緊開行徑赴漢口如

江路疏通卽開幫前進倘有梗阻便將鉛觔起存

漢局俟前途平定由楚省迅速派員運京庶京鉛

無誤限期黔省委員亦不致守候稽延藉口糜費

運漢運京照例各自報銷於公事并無窒礙至癸

卯年第四起京鉛及應辦一起楚鉛各委員尙未
自黔起程應請暫緩辦運一俟接到楚省知照京
鉛已由漢口起運再飭委員領兌啟行并據藩司
具詳前來除分咨四川督臣轉飭催趲護送暨湖
北撫臣查照外理合恭摺具

奏伏乞

皇上聖鑒謹

奏奉

硃批知道了欽此

耐菴奏議存稿

卷八

七

石阡府士民捐建考棚書院請獎摺

奏爲士民捐建考棚書院工竣循例懇

恩俯准議敘事竊照石阡府向附思南府合棚考試因

路遠費繁經

臣

奏准在於石阡府分設考棚歲科兩試該府舊有書院因年久坍塌亟須修葺其應建考棚書院經費均係士民捐辦共捐銀一萬五千九百八十兩除各項工程用銀八千三百八十兩又將銀四千一百兩發商生息以備考試經費及歲修房屋之資餘銀三千五百兩置產收租作爲書院束脩膏火

耐菴奏議存稿

卷八

五

據該府查明捐戶姓名銀數造具冊結由司議詳前來除士民捐數無多由臣督飭地方官獎以花紅扁額并勸捐監工出力各紳士另行咨部查議外其捐數較多之士民成其炳等三十二名均與議敘之例相符仰懇

天恩交部分別議敘至原任江南道監察御史徐培深

前任石阡府知府宋慶常前署石阡府事普安直

隸同知張瀚中三員各捐銀二百兩接署石阡府

事長寨同知王兆俊捐銀四百兩復勸捐督辦經

理有方可否一併交部議敘以示鼓勵之處出自

鴻慈此項捐辦工程請免造冊報銷除捐輸工段冊結
送部外理合會同督臣桂良恭摺具

奏并繕呈捐戶姓名銀數清單伏乞

皇上聖鑒謹

奏奉

硃批另有旨欽此又奉

上諭賀長齡奏官紳士民捐建書院考棚懇恩鼓勵一
摺又另片奏同知獨力捐辦城垣請照例議敘等語
均著吏部議奏免其造冊報銷單併發欽此

耐菴奏議存稿

卷八

三

松桃廳同知捐修城垣請予議敘片

再松桃廳毘連川楚係苗疆重地上年九月間雨水連綿舊城南北兩門及火藥局後城牆共倒塌五十九丈西北兩門礮臺均已敝裂週圍壕口坍塌三百六十九堵亟應修理完固以資保障該廳督率匠役勘估興修於本年七月內工竣檄委正大營縣丞姚世榮驗明工堅料實并無草率情事用過工料銀一千二百八十二兩零係松桃同知黃培杰獨力捐辦尙屬勤奮急公覈與議敘之例相符仰懇

耐菴奏議存稿

卷八

早

天恩交部照例議敘以示鼓勵此項工程請免報銷并據藩司具詳前來除冊結送部外理合會同督臣桂良附片陳明伏乞

聖鑒謹

奏奉

硃批另有旨欽此

捐辦礮位并將廢鐵改鑄擡礮片

再查行軍制勝火器爲先擊遠摧堅礮爲最利貴
州省城共設左右貴陽三營左營貯有劈山銅礮
一位重一百五十觔威遠礮三位各重一百觔子
母礮十一位各重八十三觔烏機礮二十桿各重
六十四觔擡礮十八位各重四十五觔右營礮位
觔重均與左營同貴陽營貯有西洋銅礮三位各
重三百觔係明天啟時製造子母礮五位各重七
十餘觔烏機礮十六桿各重六十觔擡礮十五位
各重四十二觔四城門各設紅衣銅礮一位其東

耐菴奏議存稿

卷八

聖

西兩城之礮各重一千觔係明洪武間製設南北
兩城之礮各重二千觔係臣與藩司李象鵬臬司
李鈞及前署糧道鄧應台捐辦并將餘銅另鑄一
小礮重六十餘觔除烏機擡礮常年操演外其餘
大礮平時并不演放恐日久或致鏽壞棄利器於
無用實爲可惜臣於冬操後督同各營將弁於寬
闊地方每位演放三礮均堪適用其火藥之提淨
搗細者用藥少而及遠倍於常藥最爲得力應請
嗣後定爲每年冬操演放一次并通飭省外各營
一律照辦遇有損缺隨時修整以資利用而備緩

急尙有多年鏽壞已成廢鐵者臣擬改鑄擡礮變
無用爲有用并當逐漸增添以爲未雨綢繆之計
是否有當合併附片陳明伏祈

聖鑒訓示謹

奏奉

硃批只有旨欽此又於改鑄擡礮變無用爲有用句旁
奉

硃批得力不得力總不在勛數之重輕大約至重不過
二三四勛方能便利而黔省山多尤不宜笨重欽
此又准軍機大臣字寄奉

耐菴奏議存稿

卷八

聖

上諭賀長齡奏演放礮位并將廢鐵改鑄擡礮等語行
軍制勝火器爲先除烏機擡礮常年操演外該撫請
於每年冬操時將大礮演放一次俾臻熟練著依議
行至廢鐵改鑄擡礮是否尙堪抵用黔省跬步皆山
所製擡礮自以輕捷便利施放有準爲要大約至重
不過二三四勛即可適用儻過於笨重轉恐運用
不能得力以致有名無實將此諭令知之欽此

覆奏訓練土兵事宜摺

奏爲遵

旨覆奏事竊臣承准軍機大臣字寄奉

上諭賀長齡奏遵旨召募土兵勤加訓練一摺據稱現計通省共募得土兵一千七十六名又覓雇素嫻技藝之人專司教演等語覽奏均悉所請土兵十名內以五名習火鎗卽照議辦理惟此項土兵步射旣非素習一時恐難有準其請習弓刀之五名著改爲練習刀矛俟挑補入伍後再行學習弓箭所需火鎗刀矛及衣服等件卽由該地方官捐備其每名每月給

耐蕃奏議存稿

卷八

墨

米三斗鹽菜五百文及所需火藥鉛丸器具等物准由該撫與藩司捐廉發給所募名數就近移知各營遇有營兵出缺卽將土兵與營兵一律考試挑選歸伍仍續行募補以符原額按季申報各上司衙門查覈該撫隨時督同司道等實力奉行務期一兵得一兵之用無致有名無實并飭各道於每年巡查營務之時按名調閱分別賞罰不得虛應故事日久滋弊將此諭令知之欽此遵寄到臣卽欽遵通飭各屬

將所募土兵內練習弓刀之五名改習刀矛俟挑補入伍後再令學習弓箭其近在省城之貴陽府

募得土兵三十名貴筑縣二十名先經司道會同
校閱臣又調至署中箭道面加校試各項技藝雖
未熟練而演放火鎗手勢尙不遲笨刀石亦能運
轉其未奉

諭旨之先已習弓箭者府縣共二十五名亦令試射共
計中四箭者一名中三箭者五名餘亦各中一兩
箭全空者三名當場分別賞責惟究係初習弓力
未免過軟臣遵卽面宣

諭旨令其改習刀矛并飭各屬凡募土兵必以膂力爲
先力強則膽壯膽壯則氣銳而後可以折衝禦侮

耐菴奏議存稿

卷八

器

斷不准以老弱充數又恐省外各屬以勢難調閱
視同具文或募不足數或足數而練習不能認真
或始雖勤練而日久又復因循諸弊均所難免除
飭各道於每年查伍之時按名調閱外并責成各
府直隸州於因公往來之便不時抽驗臣與兩司
再加訪查務期一兵得一兵之用勿任有名無實
以仰副我

皇上增修武備綏靖苗疆之至意所有遵

旨飭辦緣由理合恭摺覆奏伏乞

皇上聖鑒謹

奏奉

硃批認真練習不可有名無實欽此

耐菴奏議存稿

卷八

七



耐菴奏議存稿

奏奉

戶部咨寶泉局停運黑鉛請酌定年分摺

奏爲酌停寶泉局黑鉛以節經費恭摺奏祈

聖鑒事道光十八年九月接准戶部錢法堂咨開寶泉局積存黑鉛足敷五年之用若再照常辦運積壓愈多

奏明酌停三年可節省銀六萬餘兩俟停運限滿仍照常辦解等因臣查寶泉局停運黑鉛黔省未接部咨以前已將丁酉戊戌己亥等年鉛筋依限辦解運京交收自庚子至壬寅年遵照停運現屆三年期滿應解癸卯年戶局黑鉛陸續起運合計已耐菴奏議存稿

卷八

吳

交局之丁酉戊戌己亥三屆黑鉛及尙未到局之癸卯一屆黑鉛共有一百三十萬餘觔按照戶部原奏足敷五年配用酌停三年尙有盈餘惟寶泉局有無加卯鼓鑄外間難以懸擬據藩司李象鵬議詳前來相應請

旨敕部覈議如現存黑鉛充裕卽酌定停運年分以便遵辦臣爲節省經費起見理合恭摺具

奏伏乞

皇上聖鑒謹

奏奉

硃批該部議奏欽此

耐菴奏議存稿

卷八

畢

查辦衙蠹地棍名數年終彙奏摺

奏爲查辦衙蠹地棍現屆年終恭摺彙陳并繕名數清單仰祈

聖鑒事竊照黔省僻處苗疆不通商賈地又磽瘠閭閻生計較他省已極艱難而衙蠹地棍每以鄉愚易欺肆行訛詐名爲敲釘錘查辦稍疎民苗卽不堪命臣自到黔以來督同司道嚴飭各屬加意約束設法訪拏所有獲犯懲辦名數歷經

奏明在案茲查本年各屬拏辦蠹役二十一名棍匪

三十九名共獲犯六十名內四十一名已問擬軍

耐菴奏議存稿

卷八

吳

流徒杖分別咨部餘皆趕緊審辦不使稍涉輕縱臣仍一力督飭認真稽察有犯卽懲俾蠹棍咸知儆畏良懦獲免侵欺以仰副

皇上綏靖苗疆之至意所有查辦衙蠹地棍名數現屆年終理合恭摺彙陳并繕清單伏乞

聖鑒謹

奏奉

硃批知道了欽此

按彙奏查辦衙蠹地棍名數係年終例摺今存其一餘不悉錄

興義府官民捐辦各工請獎摺

奏爲官民捐辦各工循例懇

恩俯准議敘事竊照興義府自設郡以來未建
皇殿慶賀係借廟殿行禮不足以昭恭敬所有

壇宇拱極亭暨西南城樓因嘉慶二年苗變被燬

文昌廟

關帝廟亦因年久傾頽均應及時修葺又該府考棚原
建城外離城三里之遙附近并無居民鋪戶士子
皆寄寓城中赴考多所未便且傾圮過甚亟須修
建以肅闈防前任知府張鏜捐廉首倡勸諭府屬
耐菴奏議存稿

卷八

兗

士民與所轄貞豐興義安南普安四州縣及冊亨
州同并附考之普安廳各官民踴躍捐輸共銀三
萬一千一百兩零購買城內地基督率首事貢生
桑滋等庀材鳩工於道光二十二年三月起至九
月止將

皇殿

壇廟城樓考棚并興義縣

文廟普安縣書院一律修建完竣餘銀發商生息置田

收租以作賓興暨文武童生考試卷資入學冊費
并籌備書院及育嬰堂經費又添買義倉穀石接

濟窮民造具捐數姓名冊結由司道議詳前來除
士民捐數無多由臣督飭地方官獎以花紅扁額
外其捐數較多之民人陳濤等一百一十一名均
與甄敘之例相符合無仰懇

天恩交部分別議敘以昭激勸至興義府知府張鏜倡
捐廉銀一千兩復勸捐督辦經理有方籍隸興義
府之江蘇通州知州景壽春捐銀五百兩普安直
隸同知張瀚中捐銀二百兩可否一併交部議敘
兼免造冊報銷出自

逾格鴻慈除冊結送部并將捐數姓名及監工出力官
耐替奏議存稿

卷八

五

紳咨部覈議外理合會同督臣桂良恭摺具

奏伏乞

皇上聖鑒謹

奏奉

硃批另有旨欽此又奉

上諭賀長齡奏官民捐辦各工懇請議敘一摺著吏部
議奏此項工程免其造冊報銷該部知道欽此

查禁私鑄小錢并攙和行使年終具奏片

再道光十年暨十五六年節次欽奉

諭旨查禁私鑄攙和及錢局鑪頭工匠人等不准另鑄底火小錢責成各州縣訪拏究辦并於年終出具境內并無私鑄及行使小錢印結詳報督撫具奏一次等因欽此遵查貴陽大定兩府錢局因銀價未平奏准暫緩開鑄所有鑪頭工匠人等飭令該管官隨時稽查約束惟黔省毘連滇粵川楚商販絡繹其附近銅鉛廠地又皆箐密林深難免匪徒潛匿鑄造并奸販牟利銷售及經紀鋪戶攙和行使等弊

耐菴奏議存稿

卷八

五

臣屢飭屬設法查拏據威甯州報獲民人劉定沅等私鑄小錢一案貞豐州報獲民人韋士祿積藏小錢尙未行使一案均經審擬咨部此外各廳州縣查無私鑄及行使小錢情事出具印結由該管府州加結申司覈詳前來惟是私鑄私販積弊已深現因緝拏嚴緊雖知歛跡而查察稍疏卽難保不故智復萌臣仍嚴督各屬實力搜查務使奸匪無從隱匿儻地方文武各官視爲具文任聽匪徒私鑄私販及兵役包庇賄縱立卽嚴參治罪以肅錢法而杜弊端除將送到印結咨部查覈并催取

未到各結另咨外所有本年查辦私鑄及積藏小錢各犯現屆年終理合附片陳明伏乞

聖鑒謹

奏奉

硃批知道了欽此

按查禁私鑄小錢并攙和行使年終具奏係屬例摺今存其一餘不悉錄

耐菴奏議存稿

卷八

至

10530

